

كيف وضع الدراسة؟

ملف تعريفى بكل ما يخص أنظمة الدراسة الخاصة
بجامعة الملك سعود



Designed by Raghad Alruwaisan
Twitter: [raruwaisan](https://twitter.com/raruwaisan)



مثل ما الثانوي لها أنظمة، دراسة
الجامعة أكيد لها أنظمة ولكن مختلفة
شوي، تعالوا مع بعض نشوف إيش
هي؟ الغياب، الدرجات، المعدل،
التأخير، والاعتذار، كلها بنتكلم عنها.

وش سالفة الدرجات؟

الدرجات في الجامعة تختلف عن الدرجات في الثانوي
ليس؟ لأنها تعتمد على القرید (تقدير المادة) ومو
الدرجة البحتة اللي أخذتها في المادة

فمثلا أخذتي بالمادة درجة ٩٢ يعني قریدك (أ) ولو أخذتي ٩٤ برضو قریدك
(أ) هذا يعني أن كل قرید النطاق حقه ٥ درجات

F D D+ C C+ B B+ A A+

٥٩ وتحت ٦٠-٦٤ ٦٥-٦٩ ٧٠-٧٤ ٧٥-٧٩ ٨٠-٨٤ ٨٥-٨٩ ٩٠-٩٤ ٩٥ وفوق

طيب المعدل؟

أهم شيء في المعدل هو **عدد الساعات**، ونقدر نشبه عدد الساعات بـ(ثقل المادة)، يعني كل مازادت الساعات كل ماصارت المادة أكثر تأثير بالمعدل.

بالنسبة لـ**حساب المعدل** كل الطلبة يستخدمون برامج للحساب (مثل معدلي)، بحيث تحطين بالبرنامج عدد ساعات المادة وتقديرك فيها ويعطيك المعدل.

فيه **نوعين** للمعدل، معدل فصلي (معدلك بالترم الواحد) ومعدل تراكمي (وهو معدلك لكل الأترام).

بداية الجامعة يكون سهل المعدل يرتفع وسهل ينزل، مع الوقت تقل هالفرصة، فيصير صعب أنه يتغير، نسبيه ثبات المعدل (يعني أرفعوا معدلاتكم من البداية).

أقدر أغيب على راحتِي؟

تقدرين تغييبين ولا أحد يقولك شيء! بس متى؟ إذا كان في حدود ساعاتك المسموح فيها.

تنحرمين من المادة إذا كانت غياباتك فوق الـ ٢٥%.

وإذا عندك أعذار، مفروض تقدمينها على موقع خاص بالجامعة اسمه (داعم)، بفترة مب بعيدة عن يوم غيابك، ولهم الحق يقبلون أو يرفضونه. إذا نزل حرمانك للمادة، تقدرين تسلمين الجامعة عذرو لازم قوي جدا ويشيلونه عنك.

ساعات الغياب تختلف من مادة لمادة، لكن فيه نسبة ثابتة وهي ٢٥% من الساعات الفعلية لكل مادة.

ولنفترض أن عندك مادة اسمها (بطيخ)، مسموح لك تغييبين فيها ٨ ساعات، والمحاضرة الوحيدة مدتها ساعتين؛ إذا غبتي محاضرة كاملة يبقى لك ٦ ساعات.

تقدرين تعرفين عدد الساعات اللي غبتيها من موقع خدماتي، تتحدث الغيابات فيه كل أسبوع ملاحظة: كل يوم ينحسب الغياب من أول يوم لآخر يوم - صدق مو مثل الثانوي -

إِذَا تَأَخَّرْتَ وَشُ بِيصِيرُ؟

لكل مادة دقائق محددة، بعضها خمس دقائق وبعضها عشر دقائق.
إِذَا تَأَخَّرْتَ عَنْهَا يَنْحَسِبُ لَكَ تَأْخِيرٌ، التَّأْخِيرُ يَنْقُصُ مِنْ سَاعَاتِ
غِيَابِكَ الْمَتَّاحَةِ وَلَكِنْ بِنِسْبَةِ أَقَلِّ مِنَ الْغِيَابِ طَبَعًا.

وَسُ الْفَرْقُ بَيْنَ الْإِعْتِذَارِ وَالتَّأْجِيلِ؟

الاعتذار: التوقف عن الدراسة في وسط الفصل الدراسي لأي ظرف طارئ لا قدر الله، ويحسب بسجلك الأكاديمي تقدير (ع) أو (W) للمادة، مفتوح إلى شهر قبل الاختبارات النهائية

خلال كل دراستك مسموح ٣ أترام تعتذرين فيها التحضيري مايقدرتون يعتذرون ولا يأجلون نهائيًا إلا بعذر قوي جدًا

التأجيل: حذف الفصل أو السنة الدراسية ولا تحتسب ضمن المدة اللازمة لإنهاء متطلبات التخرج، يكون مفتوح لك إلى أول أسبوع دراسي فقط.

وس لي إذا تفوقت؟

لك مكافأة التفوق، وتنصرف للطلاب والطالبات المتفوقين نهاية كل سنة للي معدلهم بكل الفصلين فوق (٤.٥٠) ومقدارها ١٠٠٠ ريال سعودي.

مراتب الشرف الأولى والثانية تعطى لكل من:
الأولى: للي يتخرج بمعدل تراكمي فوق (٤.٧٥)
الثانية: للي يتخرج بمعدل تراكمي (٤.٢٥)–(٤.٧٤)